

**PREMIO SPECIALE DELLA GIURIA
PREMIO EMIGRATI**

SA TELA DE S'ISPERA

A nue ses andende isola mama
fizos tuos non tzessan de fuire
sinde bolan chircande s'avenire
inue su campare no est imbentu
e in terras lontananas an assentu
pro praccare de vida tzusta brama

si restana s'afrencan a sa bratza
gramunzande cun tedi su riscatu
sonnian de trabagliu unu cunratu
suspirande c'arribet su futuru
chi lughe portet in tempus iscuru
ma non dat isperantzia sa piazza

si agatas trabagliu sol'innedda
totu su projetare est cosa vana
in chirca de s'impreu chi no ana
si passan in s'anneu totu vida
che desizos de fiuta proibida
in tripide pianghet sa padedda

chie movet sos ojos curre curre
non distinghet s'estiu da s'ierru

paret su paradisu ed est s'iferru
pompiande de chelu sas iscalas
com ente putzoneddu chene alas
chi volare diat cherrer a sa turre

domitas fraigadas chin sudore
abandonadas sun e mesu rutas
biddas ispopoladas paren grutas
sos zovanos lontanos a trabagliu
non cheren restare a s'isbaragliu
in s'isetu 'e su tempus benidore

setias in contonada o giuminera
sas anzianas a lughes de luna
l'auguran una bida de fortuna
pro sos fiores bolados lontanu
pregan e cosin a rosariu in manu
sa tela de s'atesa e de s'ispera

carchi isposa, lacrimas in chizu
si cossolat chin d'una cantilena
suspirat a s'amore in terra anzena
e prestu nde lu sighit chin su fizu